



Puigortunngornermi sammisaqarneq

Puigortunngornermi sammisaqarneq

Puigortunngornermik nappaateqaleraluarluni sammisaqartoqarsinnaavoq, nuannarisanik sammisaqartuarnissaq inuunerup naleqassusaanut peqqissutullu misiginermut pingaaruteqarpoq.

Sammissat suut pisuunnguallatitsisartutut misiginerat assigiinngilaq. Inuit ilaannut inuunerup naleqassusaa, ulluinnarni qanigisaasut peqatigalugit pitsaasumik inuuneqarnermut tunngassuteqarpoq. Allani inuunerup naleqassusaa, nerisassanut pitsaasunut imigassanullu, timigissarnermut piorsarsimassutsikkullu aaqjissuussinernut, pinngortitami pisuttuarnermut, angalanernut il.il. attuumassuteqarpoq. Sammissat tassaasinnaapputaaq iluarisamik, qiimanartumik pisussaaffiliinngitsumillu inunnik allanik peqateqarneq. Sammisaniq nutaarluinnarnik aallartitsinnani ilisimariikkat attatiinnarnissaat naleqquassarnissallu isumassarsiatsialaagajuppoq. Sammisaqarluni inuunerup nanginnissaanut; ilaqtanit, nammineq piomassutsiminik sulisumit imal. puigortunngortunut ataqatigiissarisumit tapersersorneqarnissaq pisariaqartinneqarsinnaavoq.

Sammissassat pisariitsuutikkat

Sammissarsimasat ajornakusuulernerat imal. mersemarsinerat puigortunngornerup nassatarisinnaavaa. Immaqa nallukattarneq sungiusimasimavaa, maannali tamakkiisumik paasinissaa ajornartorsuutigilersimallugu. Aalisariartarsimasinnaavoq, maannali atisassat, atortussat nillujitsullu eqqaamanissaannut ikiortariaqalersimalluni. Tamatumani qanigisaasutut imal. sulisutut, puigortunngortup nuannarisaminik immaqa sammisaqaannarsinnaanissaanut, ikiuullunilu tapersersuisoqarsinnaavoq.

Timimik atuneq timigissarnerlu

Timimik atuneq timigissarnerlu, timikkut tarnikkullu iluarusulersitsisarput, illigisaqarnerulersitsisarput ullup unnuallu muminnerannut sinnarlionermullu iluqutaasarlutik. Aammali oqaluunnissaq paasinninnissarlutik ilungersuutigisariaqarnagit inunnik allanik peqateqarneq, inoqatinut akuunissap nukittorsarnissaanut iluaqutaapput. Taamaammatt periarfissaagallartillugu allanik peqateqarluni timimik atuiarnissaq timigissartuarnissarlutik isumassarsiatsialaavoq. Illoqarfimmi pisuttuarneq puigortunngortup timiminik aalatiinnissaanut silaannarissarnissaanullu periarfissiissaaq.

Nipilersorneq, erinarsorneq qitinnerlu

Puigortunngornermi- pingaartumik eqqaamasinnaaneq isumaliutersorsinnaanerlu eqqorneqartarput, nipilersuutinilli, erinarsornermik qitinnermillu nuannarisaqarneq attatiinnarneqartarlutik. Allat puigorsimagaluarlugit erinnat taallallu eqqaamaneqarajupput. Taamaapportaaq nipilersuummik nipilersorsinnaasimagaanni imal. qiteriatsimik ilikkagaqarsimagaanni. Radiomi aalajangersimasumik naalagaqartarneq imal. nipilersuummik nuannarisamik naalaarneq pingaaruteqarsinnaapputaaq. Immaqa ilisarinnasaa- eqqaamasaanillu eqeersitsinnaasoq puigortunngortumut pitsaasuvoq.





Puigortunngornermi sammisaqarneq

Isumassarsiorsinnaaneq, eqqumiitsuliorneq kulturilu

Isumassarsiorsinnaaneq eqqumiitsuliornerlu puigortunngortunut immikkut pingaaruteqarsinnaapput. Piffissammi ingerlanerani pisarnertut oqariartuuteqarsinnaaneq ajornakusoornerulersinnaavoq. Takorluuisinnaanerli, periaataarsinnaaneq, misigissutsit isumassarsiorsinnaanerlu ajunngitsumik atuussinnaapput, attaveqatigiinnermullu, imminut naleqartinnerup pitsaanerulerneranut ataatsimoortutullu misiginermut, nutaanik periarfissiissallutik.

Pinngortitaq

Pinngortitaq inunnut puigortunngortunut timimik atuinissamut misigisaqarnissamullu periarfissarpassuarnik tunisisarpoq. Sissiukkap eqqaani, illoqarfimmi immaqalu qaqqami angalaarneq orlujaassutsimik qasujaassutsimillu pitsaanerulersitsinnaavoq, sukkasuumillu pisunneqarmi tillerit akulikillisinneqarsinnaallutik. Tamatuma peqatigisaanik pinngortitaq piumasaqaatitaqanngitsumik malugisaatinik eqeersaarpoq. Taamaammat inunni puigortunngortuni pinngortitami angalaarneq eqqissinarlunilu qasukkarnarsinnaavoq.

